



ATASSUT

UPA 2016/52-1

Siverth K. Heilmann

21. 04. 2016.

**Danmarkimi politiini pisartutut Kalaallit Nunaanni politiit nalunaaruteqartoqarneraniit qisuariarnissap tungaanut piffissamik atorneqartartumik nalunaarsuisalernissaat pillugu Naalakkersuisut danskit inatsisinik atortitsinermut ministeriannut attaveqaqqullugit peqquneqarnissaannik Inatsisartut alajangiiffigisassaattut siunnersuut.
(Inatsisartuni ilaasortaq Justus Hansen, Demokraatit)**

Inatsisartuni ilaasortap Justus Hansen, Demokraatit, aalajangiiffigisassatut siunnersuutaanut imatut naatumik ATASSUT-miit oqaaseqassaagut.

Politiini sulinermi, ullut tamaviisa, ulloq unnuarlu, pinerluttoqarsimanera ajutoortoqarsimaneraluunniit kisimik pinnatik, pisut tamavimmik nalunaarutigineqartut namminerlu naammattuukkat, aallarniutaasumik (døgnrapport-imut) nalunaarsorneqartarput.

Politiitut sulinermi kisimiilluni biileqaranilu, aasaanerani pisuinnaq arpaqattaaginnarluunniit tiguserinninnerit, aallaasersornerit, imminoortoqarpat imminooriartoqarpalluunniit ambulanceqangitsorlu, kisianni tassa nammineq inuilluunniit kajumissutsiminnik ikiuuttut ikiorsiullugit nakorsaqaarfimmut apuussinnasarsimanerit nalaassimasat ilaminiinnannguaat.
Ukiuuneranimi snescooterit qamutinit kalitalerlugit, assartuisarnermi sulinermilu oqilisaataapput.

Sinerissap ilaani, illoqarfinni kisimiissinnaaneq, marluinnaaneq, pingasuinnaalluniluunniit sap. akunn. naallugu pigaartuusarnerit aqaguanilu sulineq nagittarlugu, pisorpassuit saniatigut nunaqarfiit arlallit aamma pisoqarfiusaqisut ornittariaqartarpagut. Politiit angallataat angalappata ujaasippataluunniit, ulloq qanoq ilinera apeqqutaatinnagu nukinginnartumillu suliaasaqartilluta, kisianni tassa nammineq angallatigisaq atorlugu, angallammilluunniit attartornitsigut ilaatigut nakorsanik ilaqarluni suliat naammassiniarneqartarput.

Danmark-imi politiini pisartutut Kalaallit Nunaanni politiit nalunaaruteqartoqarneraniit qisuariarnissap tungaanut piffissamik atorneqartartumik nalunaarsuisalernissaat, Nunatsinni politiitut atorfeqartut atugarisaallu pitsaanerugaluartut, qulaani oqariartuutigisannut Qallunaat Nunaanni inuttaqarniarnikkut atortoqarniarnikkullu pissutsit pitsaaneroqisunut arajutsisimaneqanngimmat.

Taamaattoq nalunaarsuisarnerup pitsaanerulersinneqarnissaannik isumaq tunngaviatigut ATASSUT-miit ajorinngilluinnarparput, isumaqarattami neriuutigalugulu Nunatsinni kommunefod-eqarnej politiillu atugaasa pitsaanerulersinneqarsinnaanerannik paasinninnerulernermik kinguneqarsinnaasoq.

Siunnersuummut tapersiilluta, suliap aappassaaneerneqannginnermini ataatsimiititaliamut susasaqartumut peqqissaarullugu suliarineqarnissaa ATASSUT-miit inassuteqarneq akuersaarparput.

Qujanaq.